

سروش

سر ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته‌ای مجموعه اسلامیة در
اتبعون اهدکم سبیل الرشاد

صاحب و مدیر مسئول : ح . اشرف اریب

بولسان بر کیمسه نك مسئول اولوب اوله میه جفی حقنده کی مطالعه
علیه لرینک اشعارینه هم علیه لرینی رجا و نیاز ایله طریق ارشاده
موقیاتکزی الطاف خدادن تضرع ایلم. باقی نائل سلامت اوله سیکز
عزیزلر . بابا اسکیده ردیف ملازم اولی

محمد علی

سبیل الرشاد — ان شاء الله صرهم سی کلنجه بو آیت کریمه ده تفسیر
وایضاح اولنه جقدر .

مَطْبُوعَات

دولت علیه - ایتالیا محاربه سی

انکلتزه مطبوعات منهنه سندن اولان تایم سک عثمانلی - ایتالیا
محاربه سنه دائر اولان بیاناتی :

ایتالیانلرک طرابلس غرب ایله بنغازی موقعنده کی فعالیتلری ذکره شایان
برحاله دکدر . یالکز بومبارلی طیاره لرله عرب مجاهدلری اوزرینه آغقله
اکتفا ایدیورلر . مذکور طیاره لرک دردی شو صوک کونلرده مجاهدلرک
چادرلری خداسنه کلوب اون بر بومبا آتورق کری دونمشلدر . بومبارلرک
تأثیرندن انجق اوچ کیشی یاره نمشدر . بو کیدیشه ایتالیانلرک هیچ برشی
یاهمه جقلری بلیدر . شیمدی یه قدر ایتالیانلر طرفندن مجاهدله هیچ بر اهمیتلی
ضرر ایقاع ایدلمشدر . اگر ایتالیا بویه لکله طرابلس ایله بنغازی بی آله
کچیرمک ایستیورسه زیاده سیله یا کیلیور . مجاهدلرک سورانه وشجیعانه بر صورتده
قیزغین قورشونه کوکس کروب هر کون یکی یکی موقیتلر تأمین ایتدکلری
حاله . ایتالیانلر خیالات ایله غلبه ایتکی آرزو ایدیورلر . ایتالیانلر فی الحقیقه
قورقیوب مردلک ادعاسنده بولنیورلرله خصملرینه قارشو کوکس کرملری
ایجاب ایدر . ایتالیانلرک جبات وهریمتلی کوردکجه عرب مجاهدلرینک
شجاعت و متانتلری کوندن کونه آرتقمده در . ایتالیانلرک بومبا قوللانلرینه
کلنجه ، بوده کلیاً مخالف انسانیندر . وطنلرینی مدافعه ایتک حسیان عالی
جنابانه سیله متحس اولان عربلری بویه خسیس وسیله لرله مغلوب ایتک
ایستین ایتالیانلره قارشو اظهار نفرت ایتکده در . عین زمانده عالم مدنیته
لایق بر قوم اولمقلرینی ایتالیانلر بوسورته اثبات ایتشلدر . عربلر ، یوکسک
سسلریله ملی شرفلرینی چاغیروب ایتالیانلره میدان اوقویورلر .

ایتالیا حکومتک سیاست و پولیتیکه سنی اوزون اوزادی یه تنقید ایتکدن
شمیدیلک صرف نظر ایدیورز . انجق میدان حربده کوسترمکده اولدینی
جیانتلرینی یازمغه مجبورز . بونی کتم ایتکده معنا یوقدر . صحیفه لرمنله
قارئلرمنه واوروپا افکار عمومیه سنه ترکلره عربلرک حسیاتی تصویر و تعریف
ایلرز . بو خصوصده حاصل اولان یا کلش فکرلری تصحیح ایتک وظیفه ضردر .
هر حالده عرب و ترک قوملرینک عنعناتی بو فعالیت وشجاعتلرندن اکلامق پک
قولایدر .

شیرین

دولت علیه :

مجلس مبعوثانک کشاری . — بالاسی امضای هایون جناب پادشاهی
ایله موشح مجاس وکلا مضبطه سنک صورتیدر : « قانون اساسی و قرار واقع

ایمانجه ۵ نیسان ۱۲۸۸ نارنجنده آجلمسی لازم کلن مجلس مبعوثانک تاریخ
مذکوره قدر اکثریت حاصل اولدینی حالده حضور هایون جناب پادشاهیله
کشادی بالاستیدان مقرون مساعده سنیة حضرت تاجدارای اولمش ایدی .
انتخاب اولنان مبعوثانن خلیسینک در سعادته واصل اولمقلری و تاریخ مذکوره
قدر کلجکلرک یوزی تجاوز ایدیه جکی اکلاشلمسنه نظراً اکثریت حاصل
اوله مدینی تقدیرده دخی رسم کشادک حضور هایون ملوکانه ده اجرایی سرهون
رأی عالی جناب شریاری بولندینی تذکر قلتمش اولمقله قاطبه احواله
امروفرمان حضرت ولی الامر افندمن کدر . « ۲۶ ربیع الاخر ۱۳۰۰ ۱ نیسان ۱۲۸۸

شریف شاهانه . — ذات شوکتسمات حضرت شریارینک بو کون
بعدالظهر ساعت ایکیده سرای هایونن حرکتله مبعوثان دائره سنی شریف
شاهانه لری مقرر در .

نقل اوقاف . — بانچه قیوسنده کی حمیدیه سیلینک محل مذکور دن
قالدیریلرک زینب سلطان جامع شریفینک بولندینی محله نقل ایدیه جکی خبر
آلشمدر .

لحیه سعادت . — اسکوبده کائن سلطان مراد جامع شریفنه جامع
مذکور خطیبی احمدیجان افندی وداعتیله لحیه سعادت حضرت پیغمبری ارسال
ایدلشدر .

بفرار دارالفنون . — بغدادده اعظمیه ده اعطاییدیلن مساعده اوزرینه
انشاسی قراریدن دارالفنون رشدی واعدادی قسملری ده ادخال ایدیه جکی ،
رشدیه نك برنجی صنفندن اعدادینک صوک صنفنه قدر برشعبه مخصوصه ده لسان
عربینک قواعدی . ادبیاتی والحاصل کافه تفرعاتی ، تدریسات دینیله ایله برابر
تعلیم اولنه جفی ، دارالفنون لیلی ونهارای اولوب صنوف عالیه قسمنده کی طب
وحقوق شعبه لرندن بشقه احکام قضا دخی موجود بولندیریلرک جفی و خطه
عراقیه نیابتلرینه نواب قسمنندن مأذون اولنلر تعیین ایدیه جکلرینی بغداد
غزته لری یازیور .

بفرار - کویت شمندر و فرطی . — بغداد - کویت شمندر و فرطه
متعلق تدقیقات ابتدائیه کی اجمال ایتک اوزره لوندره ده اعزام اولنان خارجیه
حقوق مشاوری رشید بک وظیفه سنی ایفا ایلشدر . بناء علیه بو هفته طرفنده
موی الیهک استانبوله ورودینه انتظار اولتمقده در . لوندره سفیری توفیق پاشا
سیر ادوار غره ایله مذاکرات قطعیه کیریشمشدر . مذاکرات متقدمه نك
مساعد بر صورتده و حکومت عثمانیه لهنده جریان ایتکده اولدینی اوروپا محافل
سیاسیه سنده تأمین ایدلکده در .

همجازه امن و آسایش . — مکه امیری حضرتلرینک هممات مصروفه سیله
خطه حجازیه نك هر طرفنده امن و آسایش کرکی کبی حکم فرمادر . حکومت
عثمانیه مأمورلرله شریف حضرتلری آره سنده وفاق تام موجوددر . قبائل حجازیه نك
التماسی اوزرینه امیر حضرتلرینک مخدومی شریف فیصل بک جده مبعوثلغنه
انتخاب اولندینی کبی ، سابق مکه مبعوثی شریف عبده بک ده مکه مبعوثلغنه
یکیدن انتخاب اولمشدر .

مکه امیری رسیم ادریس . — المؤید غزته سنده اوقوندیغه کوره
مکه امیری حضرتلری شرفادن بعضلریله کندی مخدومی شریف فیصل بکی
معینده کی (پشه) عسا کردن بیک نفر ایله (قنفده) جهتلرینه اعزام ایتکده
قرار ویرمشدر . بونلر سید ادویسک علیهنده قیام ایدن من قبائلیله قوای عثمانیه
التحاق ایدیه جکلردر . بو آنه قدر عسیر قبائلی طرفندن حکومت عثمانیه یه قارشو
تمامیله اطاعت و انقیاد آشاری کورلشدر . قبائل مذکوره مکه امیریه بیلرنده
منعقد اولان شرائط عهوده حرفیاً رعایت ایلکده درلر .